


## Les 6 Brieven van een heer van stand: de brieven van Plinius

### 1 Het optreden van Plinius maior

Een ongewoon uitzicht



5 Erat Miseni classemque imperio praesens regebat. Nonum Kal. Septembres

hora fere septima mater mea indicat ei apparere nubem inusitata et magni-

tudine et specie. Usus ille sole, mox frigida, gustaverat iacens studebatque;

poscit soleas, ascendit locum, ex quo maxime miraculum illud conspici

poterat.

- 10 Magnum propiusque noscendum, ut eruditissimo viro, visum. Iubet  
Liburnicam aptari; mihi, si venire una vellem, facit copiam; respondi studere  
me malle, et forte ipse, quod scriberem, dederat. (...)

### **Plinius maior komt te hulp**

- Egrediebatur domo; accipit codicillos Rectinae Tasci imminentि periculo  
exterritae – nam villa eius subiacebat, nec ulla nisi navibus fuga –: ut se tanto  
15 discrimini eriperet, orabat. Vertit ille consilium et, quod studioso animo  
inchoaverat, obit maximo.  
  
Deductit quadriremes, ascendit ipse non Rectinae modo, sed multis – erat  
enim frequens amoenitas orae – latus auxilium. Properat illuc, unde alii  
fugiunt, rectumque cursum, recta gubernacula in periculum tenet adeo  
20 solutus metu, ut omnes illius mali motus, omnes figuras, ut depreenderat  
oculis, dictaret enotaretque.

## **Plinius maior blijft kalm**

Quo tunc avunculus meus secundissimo invictus complectitur trepidantem,  
consolatur, hortatur, utque timorem eius sua securitate leniret, deferri in  
balineum iubet; lotus accubat, cenat, aut hilaris aut, quod aequum magnum,  
25 similis hilari. Interim e Vesuvio monte pluribus locis latissimae flammae  
altaque incendia relucebant, quorum fulgor et claritas tenebris noctis  
excitabatur. Ille agrestium trepidatione ignes relictos desertasque villas per  
solitudinem ardere in remedium formidinis dictitabat. Tum se quieti dedit  
et quievit verissimo quidem somno; nam meatus animae, qui illi propter  
30 amplitudinem corporis gravior et sonantior erat, ab iis, qui limini  
obversabantur, audiebatur. Sed area, ex qua diaeta adibatur, ita iam cinere  
mixtisque pumicibus oppleta surrexerat, ut, si longior in cubiculo mora,  
exitus negaretur. Excitatus procedit seque Pomponiano ceterisque, qui  
pervigilaverant, reddit.

## Het einde van Plinius maior

35 Placuit egredi in litus et ex proximo adspicere, ecquid iam mare admitteret;  
quod adhuc vastum et adversum permanebat. Ibi super abiectum linteum  
recubans semel atque iterum frigidam aquam poposcit hausitque. Deinde  
flammae flammarumque praenuntius odor sulphuris alios in fugam vertunt,  
excitant illum. Innitens servolis duobus assurrexit et statim concidit, ut ego  
40 colligo, crassiore caligine spiritu obstructo clausoque stomacho, qui illi  
natura invalidus et angustus et frequenter interaestuans erat. Ubi dies  
redditus (is ab eo, quem novissime viderat, tertius), corpus inventum  
integrum illaesum opertumque, ut fuerat indutus: habitus corporis  
quiescenti quam defuncto similior. Interim Miseni ego et mater – sed  
45 nihil ad historiam, nec tu aliud quam de exitu eius scire voluisti.

**Brief VI.16 compleet :**

C. PLINIUS TACITO SUO S.

**1** Petis ut tibi avunculi mei exitum scribam, quo verius tradere posteris possis.

*Gratias ago; nam video morti eius si celebretur a te immortalem gloriam esse propositam.* **2** Quamvis enim pulcherrimarum clade terrarum, ut populi ut urbes memorabili casu, quasi semper victurus occiderit, quamvis ipse plurima opera et mansura condiderit, multum tamen perpetuitati eius scriptorum tuorum aeternitas addet. **3** Evidem beatos puto, quibus deorum munere datum est aut facere scribenda aut scribere legenda, beatissimos vero quibus utrumque. Horum in numero avunculus meus et suis libris et tuis erit. Quo libertius suscipio, deposco etiam quod iniungis.

**4** Erat Miseni classemque imperio praesens regebat. Nonum Kal. Septembres hora fere septima mater mea indicat ei apparere nubem inusitata et magnitudine et specie. **5** Usus ille sole, mox frigida, gustaverat iacens studebatque; poscit soleas, ascendit locum ex quo maxime miraculum illud conspici poterat. *Nubes - incertum procul intuentibus ex quo monte; Vesuvium fuisse postea cognitum est - oriebatur,*

*cuius similitudinem et formam non alia magis arbor quam pinus expresserit.* **6** *Nam longissimo velut trunco elata in altum quibusdam ramis diffundebatur, credo quia recenti spiritu erecta, dein senescente eo destituta aut etiam pondere suo victa in latitudinem vanescerat, candida interdum, interdum sordida et maculosa prout terram cineremve sustulerat.* **7** *Magnum propiusque noscendum ut eruditissimo viro visum. Iubet liburnicam aptari; mihi si venire una vellem facit copiam; respondi studere me malle, et forte ipse quod scriberem dederat.* **8** *Egrediebatur domo; accipit codicillos Rectinae Tasci imminentis periculo exterritae - nam villa eius subiacebat, nec ulla nisi navibus fuga -: ut se tanto discrimini eriperet orabat.* **9** *Vertit ille consilium et quod studioso animo incohaverat obit maximo. Deducit quadriremes, ascendit ipse non Rectinae modo sed multis - erat enim frequens amoenitas orae - latus auxilium.* **10** *Properat illuc unde alii fugiunt, rectumque cursum recta gubernacula in periculum tenet adeo solutus metu, ut omnes illius mali motus omnes figuris ut depreenderat oculis dictaret enotaretque.*

**11** *Iam navibus cinis incidebat, quo propius accederent, calidior et densior; iam pumices etiam nigrique et ambusti et fracti igne lapides; iam vadum subitum ruinaque montis litora obstantia. Cunctatus paulum an retro flecteret, mox gubernatori ut ita*

*faceret monenti 'Fortes' inquit 'fortuna iuvat: Pomponianum pete.'* **12** Stabiis erat diremptus sinu medio - nam sensim circumactis curvatisque litoribus mare infunditur -; ibi quamquam nondum periculo appropinquante, conspicuo tamen et cum cresceret proximo, sarcinas contulerat in naves, certus fugae si contrarius ventus resedisset. Quo tunc avunculus meus secundissimo invictus, complectitur trepidantem consolatur hortatur, utque timorem eius sua securitate leniret, deferri in balineum iubet; lotus accubat cenat, aut hilaris aut - quod aequem magnum - similis hilari. **13** Interim e Vesuvio monte pluribus locis latissimae flammae altaque incendia reucebant, quorum fulgor et claritas tenebris noctis excitabatur. Ille agrestium trepidatione ignes relictos desertasque villas per solitudinem ardere in remedium formidinis dictitabat. Tum se quieti dedit et quievit verissimo quidem somno; nam meatus animae, qui illi propter amplitudinem corporis gravior et sonantior erat, ab iis qui limini obversabantur audiebatur. **14** Sed area ex qua diaeta adibatur ita iam cinere mixtisque pumicibus oppleta surrexerat, ut si longior in cubiculo mora, exitus negaretur. Excitatus procedit, seque Pomponiano ceterisque qui pervigilaverant reddit. **15** In commune consultant, intra tecta subsistant an in aperto vagentur. Nam crebris vastisque tremoribus tecta nutabant, et quasi emota sedibus suis nunc huc

*nunc illuc abire aut referri videbantur.* **16** *Sub dio rursus quamquam levium exesorumque pumicum casus metuebatur, quod tamen periculorum collatio elegit; et apud illum quidem ratio rationem, apud alios timorem timor vicit. Cervicalia capitibus imposita linteis constringunt; id munimentum adversus incidentia fuit.* **17** *Iam dies alibi, illic nox omnibus noctibus nigrior densiorque; quam tamen faces multae variaque lumina solvebant. Placuit egredi in litus, et ex proximo adspicere, ecquid iam mare admitteret; quod adhuc vastum et adversum permanebat.* **18** *Ibi super abiectum linteum recubans semel atque iterum frigidam aquam poposcit hausitque. Deinde flammae flammarumque praenuntius odor sulphuris alios in fugam vertunt, excitant illum.* **19** *Innitens servolis duobus assurrexit et statim concidit, ut ego colligo, crassiore caligine spiritu obstructo, clausoque stomacho qui illi natura invalidus et angustus et frequenter aestuans erat.* **20** *Ubi dies redditus - is ab eo quem novissime viderat tertius -, corpus inventum integrum illaesum opertumque ut fuerat indutus: habitus corporis quiescenti quam defuncto similior.*

**21** *Interim Miseni ego et mater - sed nihil ad historiam, nec tu aliud quam de exitu eius scire voluisti. Finem ergo faciam.* **22** *Unum adiciam, omnia me quibus interfueram quaeque statim, cum maxime vera memorantur, audieram, persecutum.*

*Tu potissima excerptes; aliud est enim epistulam aliud historiam, aliud amico aliud omnibus scribere. Vale!*



## **2 Plinius en zijn moeder**

### **Opnieuw een verzoek van Tacitus**

C. Plinius Tacito suo s.

Ais te adductum litteris, quas exigenti tibi de morte avunculi mei scripsi,  
cupere cognoscere, quos ego Miseni relictus (id enim ingressus abruperam)  
non solum metus verum etiam casus pertulerim. *Quamquam animus*  
5      *meminisse horret..., incipiam.*

### **Plinius blijft braaf studeren**

Profecto avunculo ipse reliquum tempus studiis (ideo enim remanseram)  
impendi; mox balineum, cena, somnus inquietus et brevis. Praecesserat per  
multos dies tremor terrae, minus formidolosus, quia Campaniae solitus; illa  
vero nocte ita invaluit, ut non moveri omnia, sed verti crederentur. Irrupit  
10     cubiculum meum mater; surgebam invicem, si quiesceret, excitaturus.  
  
Resedimus in area domus, quae mare a tectis modico spatio dividebat.

Dubito, constantiam vocare an imprudentiam debeam (agebam enim  
duodevicensimum annum): posco librum Titi Livi, et quasi per otium lego  
atque etiam, ut cooperam, excerpto. Ecce amicus avunculi, qui nuper ad eum  
15 ex Hispania venerat, ut me et matrem sedentes, me vero etiam legentem  
videt, illius patientiam, securitatem meam corripit. Nihilo segnus ego  
intentus in librum.

### **Op de vlucht**

Tum vero idem ille ex Hispania amicus acrius et instantius ‘Si frater’ inquit  
‘tuus, tuus avunculus vivit, vult esse vos salvos; si periit, superstites voluit.  
20 Proinde quid cessatis evadere?’ Respondimus non commissuros nos, ut de  
salute illius incerti nostrae consuleremus. Non moratus ultra proripit se  
effusoque cursu periculo aufertur. Nec multo post illa nubes descendere in  
terras, operire maria; cinxerat Capreas et absconderat, Miseni quod procurrit,  
abstulerat.

## **Mijn moeder wil niet meer verder**

25 Tum mater orare, hortari, iubere, quoquo modo fugerem; posse enim iuvenem, se et annis et corpore gravem bene moritaram, si mihi causa mortis non fuisset. Ego contra salvum me nisi una non futurum; dein manum eius amplexus addere gradum cogo. Paret aegre incusatque se, quod me moretur. Iam cinis, adhuc tamen rarus. Respicio: densa caligo tergis imminebat, quae  
30 nos torrentis modo infusa terrae sequebatur. ‘Deflectamus’ inquam ‘dum videmus, ne in via strati comitantium turba in tenebris obteramur.’

## **Paniek in de duisternis**

Vix consederamus, et nox – non qualis illunis aut nubila, sed qualis in locis clausis lumine exstincto. Audires ululatus feminarum, infantum quiritatus, clamores virorum; alii parentes, alii liberos, alii coniuges vocibus requirebant, vocibus noscitabant; hi suum casum, illi suorum miserabuntur; erant, qui metu mortis mortem precarentur; multi ad deos manus tollere, plures nusquam iam deos ullos aeternamque illam et novissimam noctem mundo interpretabantur.


## **Terug naar Misenum**

Regressi Misenum curatis utcumque corporibus suspensam dubiamque  
40 noctem spe ac metu exegimus. Metus praevalebat; nam et tremor terrae  
perseverabat, et plerique lymphati terrificis vaticinationibus et sua et aliena  
mala ludificabantur. Nobis tamen ne tunc quidem, quamquam et expertis  
periculum et exspectantibus, abeundi consilium, donec de avunculo nuntius.

## **Afsluiting**

Haec nequaquam historia digna non scripturus leges et tibi, scilicet qui  
45 requisisti, imputabis, si digna ne epistula quidem videbuntur. Vale.

*Epist. 6.20*



### 3 Calpurnia, een ideale vrouw

(...) Summum est acumen, summa frugalitas; amat me, quod castitatis  
indictum est. Accedit his studium litterarum, quod ex mei caritate concepit.  
Meos libellos habet, lectitat, ediscit etiam. Qua illa sollicitudine, cum videor  
acturus, quanto, cum egi, gaudio afficitur! Disponit, qui nuntient sibi, quem  
5 assensum, quos clamores excitarim, quem eventum iudicii tulerim. Eadem, si  
quando recito, in proximo discreta velo sedet, laudesque nostras avidissimis  
auribus excipit. Versus quidem meos cantat etiam formatque cithara non  
artifice aliquo docente, sed amore, qui magister est optimus. His ex causis in  
spem certissimam adducor, perpetuam nobis maioremque in dies futuram  
10 esse concordiam. Non enim aetatem meam aut corpus, quae paulatim  
occidunt ac senescunt, sed gloriam diligit. (...) *Epist. 4.19.2-5*

#### 4 Plinius mist Calpurnia

C. Plinius Calpurniae suae s.

Incredibile est, quanto desiderio tui teneat. In causa amor primum, deinde  
quod non consuevimus abesse. Inde est, quod magnam noctium partem in  
imagine tua vigil exigo, inde quod interdiu, quibus horis te visere solebam,  
5 ad diaetam tuam ipsi me, ut verissime dicitur, pedes ducunt; quod denique  
aeger et maestus ac similis excluso a vacuo limine recedo. Unum tempus his  
tormentis caret, quo in foro et amicorum litibus conteror. Aestima tu, quae  
vita mea sit, cui requies in labore, in miseria curisque solacium. Vale.

*Epist. 7.5*



## 5 Calpurnia mist Plinius

C. Plinius Calpurniae suae s.

Scribis te absentia mea non mediocriter affici unumque habere solacium,

quod pro me libellos meos teneas, saepe etiam in vestigio meo colloces.

Gratum est, quod nos requiris, gratum, quod his fomentis acquiescis; invicem

5 ego epistulas tuas lectito atque identidem in manus quasi novas sumo. Sed

eo magis ad desiderium tui accendor: nam cuius litterae tantum habent

suavitatis, huius sermonibus quantum dulcedinis inest! Tu tamen quam

frequentissime scribe, licet hoc ita me delectet, ut torqueat. Vale.

*Epist. 6.7*

## 6 Plinius en zijn slaven

C. Plinius Paterno suo s.

Confecerunt me infirmitates meorum, mortes etiam, et quidem iuvenum.

Solacia duo, nequaquam paria tanto dolori, solacia tamen: unum facilitas

manumittendi – videor enim non omnino immaturos perdidisse, quos iam

5 liberos perdidi -, alterum quod permitto servis quoque quasi testamenta

facere eaque, ut legitima, custodio. Mandant rogantque, quod visum; pareo,

ut iussus. Dividunt, donant, relinquunt, dumtaxat intra domum; nam servis

res publica quaedam et quasi civitas domus est.

Sed quamquam his solaciis acquiescam, debilitor et frangor eadem illa

10 humanitate, quae me, ut hoc ipsum permetterem, induxit.

Non ideo tamen velim durior fieri. Nec ignoro alias eius modi casus nihil

amplius vocare quam damnum, eoque sibi magnos homines et sapientes

videri. Qui an magni sapientesque sint, nescio; homines non sunt. Hominis

est enim affici dolore, sentire, resistere tamen et solacia admittere, non

15 solaciis non egere.

Verum de his plura fortasse quam debui; sed pauciora quam volui. Est enim  
quaedam etiam dolendi voluptas, praesertim si in amici sinu defleas, apud  
quem lacrimis tuis vel laus sit parata vel venia. Vale. *Epist. 8.16*



**Gaius Plinius Caecilius Secundus** (bijgenaamd minor, d.i. de Jongere, \* Como 62 - † circa 117) was een Romeins letterkundige en politicus. Hij was de neef en (na de dood van zijn vader) ook adoptiefzoon van Plinius de Oudere.

Plinius werd geboren in 62 na Chr. te Como in Noord-Italië, en ontving zijn opleiding te Rome, waar hij les kreeg van de pedagoog **Quintilianus**. Hij verwierf zich een naam als advocaat en staatsman, en bekroonde zijn ambtelijke loopbaan in 100 met het consulaat. Plinius was bevriend met keizer **Trajanus**. Hij werd in 112 n.Chr. stadhouder van **Bithynia**, toen de toestand er uit de hand dreigde te lopen en de financiële en politieke toestand dringende sanering behoefden. Trajanus verleende Plinius daarvoor consulaire bevoegdheden. Plinius overleed rond 117 na Chr.

Van Plinius is een dankrede (**Panegyricus**) bewaard gebleven, gericht tot keizer Trajanus, als dank voor het verlenen van het consulaat. Naar de mode van zijn tijd, is het werk geschreven in een gezwollen stijl, vol gevlei, eigen aan het genre. Plinius zet de regering van Trajanus af tegen die van Domitianus.

Zijn beroemdheid als schrijver dankt Plinius de Jongere echter vooral aan zijn verzameling **brieven**. In 103 publiceerde Plinius drie delen van deze correspondentie, en later de overige boeken. De eerste negen boeken bevatten de correspondentie met zijn brede kring van kennissen en relaties; het tiende boek bevat zijn correspondentie met keizer Trajanus. Deze brieven geven bijzonder waardevolle inlichtingen over eigentijdse gebeurtenissen en over het gezelschapsleven in die dagen. In de twee meest vermaarde brieven beschrijft hij aan de geschiedschrifteerder Tacitus de uitbarsting van de Vesuvius in 79 na Chr., die hij als zeventienjarige heeft meegemaakt, en waarbij zijn oom **Plinius de Oudere** het leven verloor. Plinius treedt ons uit zijn brieven tegemoet als een ontwikkeld en humaan persoon, die ondanks enige oppervlakkigheid en ijdelheid, een sympathieke figuur blijft, en die zich uitstekend thuis voelt in zijn tijd. Daardoor toont hij ons de keerzijde van het sombere en pessimistische tijdsbeeld geschatst door zijn tijdgenoot Juvenalis.